

## SCRIPT OF EVENING GOJRI NEWS BULLETIN 4FEB

2026 1700HRS

اوننگ گوجری نیوز بولیٹن 4 فروری 2026

\*\*\*\*\*

یوہ آکاشوانی جموں بے نصرت تے غلام سرور تیں خبر سُنو۔

\*\*\*\*\*

### HEADLINES

- ۱۔ حفاظتی دستاں نے اج ادھمپور ضلع مانہ چھپیا جیش محمد غا دو دہشت گرداں نانہ ہلاک کردتو ہے۔
- ۲۔ حزب اختلاف لیڈر غا پیر پنجال خطہ تیں متعلق مبینہ بیان ور اسمبلی مانہ بنگامو ہوو تے وزیر اعلیٰ عمر عبداللہ نے اج اسمبلی مانہ دو اہم بل وی پیش کیا۔
- ۳۔ نائب وزیر اعلیٰ سریندر چودھری نے اج کہیو کہ حکومت نے جموں کشمیر مانہ صنعتی اداراں، نکہ چھوٹا تے درمیانہ درجہ گا کاروبار، دستکاری، بُن کاراں تے کساناں غی معاشی حالت مضبوط بنان واسطے کئی اقدامات کیا ہیں۔
- ۴۔ مرکزی وزیر داخلہ امت شاہ غا طے شدہ دورہ تیں پہلاں جموں کشمیر بھر مانہ حفاظت گا سخت انتظام کردتا گیا ہیں۔
- ۵۔ محکمہ موسمیات غے مطابق جموں کشمیر مانہ آئندہ ایک ہفتہ توڑی موسم زیادہ تر خشک رہن غا امکان ہیں۔

\*\*\*\*\*

### TERRORIST KILLED

حفاظتی دستاں نے اج ادھمپور ضلع گا ایک قدرتی غار مانہ چھپیا جیش محمد غا دو دہشت گرداں نانہ ہلاک کردتو ہے مخصوص سو ملن ور کاروائی کرتا واں فوج، جموں کشمیر پولیس تے سی۔آر۔پی۔ایف غی سنجیالی ٹیماں نے بسنت گڑھ گا جعفر جنگلاتی علاقہ مانہ دہشت گرداں غو پتو لایو اس سلسلہ مانہ یاہ جھڑپ کل دوپہرتیں شروع ہوئی تھی تے وقفہ وقفہ جاری رہی تاہم اس طرح پیرا ٹروپ ڈرون نے ڈاگ سکاڈ غے ذریعے کیرا بندی نانہ

مزید تنگ کردتو تھو اس غا نتیجہ مانہہ اج دو دہشت گرد غا خاتمہ سنگ یوہ آپریشن مک گیو جس مانہہ دو دہشت گرد ہلاک کیا گیا ہیں وائٹ نائیٹ کور نے ایک سماجی میڈیا پوسٹ مانہہ کہیو جے آپریشن کامیابی نال مکمل ہوو تے علاقہ غی نگرانی جاری ہے تے مزید تفصیلات غی اجیں اڈیک ہے۔پیش ہے اس بارے مارا ضلع نمائندہ اچین دوبے غی یاہ رپوٹ۔۔۔

\*\*\*\*\*

#### LA PROCEEDING

جموں کشمیر قانون ساز اسمبلی مانہہ اج لیفٹیننٹ گورنر غا خطاب ور شکریہ غی تحریک ور بحث دوبارہ شروع ہوئی۔اس تیں پہلاں حزب اختلاف گا لیڈر سنیل شرما غا پیر پنجال خطہ تیں متعلق مبینہ بیان ور اسمبلی مانہہ ہنگامو ہوو تھو۔ سپیکر عبدالرحیم راتھر نے شور شرابا تیں بعد ایوان غی کاروائی 15 منٹ واسطے ملتوی کر دتی۔یوہ ہنگامو اُس ویلے ہوو جد سیاسی جماعتاں غا کئی ارکین خاص طور ور راجوری تے پونچھ ضلع تیں تعلق رکھن آلا ارکان اپنی نشستیں ور کھلا ہو گیا، تے اُنہاں نے حزب اختلاف غا لیڈر تیں معافی گو مطالبو کیو۔ ان ارکان غو کہنو تھو کہ سنیل شرما نے مبینہ طور ور کہیو ہے، کہ پیر پنجال خطو موجود ہی نی ہے۔سوالاں غا وقفہ غو ویلو تد ختم ہوو، جد کانگریس غا رُکن اسمبلی، افتکار احمد اپنی نشست ور کھلا ہواتے اُنہاں نے سنیل شرما گا بیان ور سوال چایو۔

\*\*\*\*\*

#### CM BILLS

اسے دوران، وزیر اعلیٰ عمر عبداللہ نے اج اسمبلی مانہہ دو اہم بل وی پیش کیا۔ پہلو بل قوانین مانہہ ترمیم تیں متعلق، جس گو مقصد معمولی جرائم نانہہ غیر فوجداری بنانو، تے قوانین نانہہ آسان کرنو ہے۔ تانجے لوکاں غی زندگی مانہہ، تے کاروبار کرن مانہہ آسانی وے۔ تے دوجو بل جزام یعنی کوڑھ تیں متاثرہ افراد غے خلاف امتیازی سلوک نانہہ ختم کرنو تے اُنہاں نانہہ مساوی حقوق فراہم کرن بارے ہے۔

\*\*\*\*\*

## QUESTION HOUR

اج سوالاں غا وقفہ غے دوران وزیر اعلیٰ عمر عبداللہ نے کابینہ غا وزراء غے نال مل غے ارکان اسمبلی غی جانب تیں اپنا اپنا حلقاں تیں متعلق چایا گیا مختلف مسائل غو جواب دتو۔ وزیر اعلیٰ عمر عبداللہ نے بھدرواہ غا کیلاش گنڈ مانہ یاتریاں واسطے کیا گیا ٹھانچہ غا کماں بارے روشنی کھلی۔ اُنہاں نے قانون ساز اسمبلی نانہ دسیو کہ یوہ کم ایک نجی ادارہ، غے ذریعے اس واسطے کرایو گیو، تانجے بھدرواہ ترقیاتی اتھارٹی غی معاشی بُنیاد مضبوط ہو سکے۔ یاتری شیڈ غو نظام کسی نجی ادارہ نانہ دین غا فیصلہ نانہ منسوخ کرن تیں متعلق سوال ور وزیر اعلیٰ نے کہیو کہ موجودہ حکومت نانہ یے معاملہ پہلاں تیں ملا ہیں۔ کیونجے یوہ فیصلو پہلاں تیں ہی کیو جا چُکو تھو۔ اس موقع ور بولتا واں اُنہاں نے مزید اس طرح کہیو۔۔۔۔۔

\*\*\*\*\*

## Dy CM INDUSTRIAL UNITS

نائیب وزیر اعلیٰ سریندر چودھری نے اج کہیو کہ حکومت نے جموں کشمیر مانہ صنعتی اداراں، نکہ چھوٹا تے درمیانہ درجہ گا کاروبار، دستکاری، بُن کاراں تے کساناں غی معاشی حالت مضبوط بنان واسطے کئی اقدامات کیا ہیں۔ اج قانون ساز اسمبلی مانہ ایک سوال گا جواب مانہ اُنہاں نے جموں کشمیر حکومت غی جانب تیں شروع کیا گیا اقدامات ور روشنی کھلی۔ اُنہاں نے صنعتی مسائل نانہ حل کرن واسطے جے۔ کے۔ ایم۔ ایس۔ ایم۔ ای صحت مرکز تے ریمپ پروگرام غے تحت مالی سہولتاں توڑی بہتر رسائی بارے دسیو۔ اُنہاں نے مزید کہیو کہ صنعتی پالسی 2021-30 غے تحت صنعتاں نانہ مختلف سہولت دتی جارہی ہیں۔ اُنہاں نے مزید اس طرح کہیو۔۔۔۔۔

\*\*\*\*\*

## SECURITY BEEFED UP

مرکزی وزیر داخلہ امت شاہ غا 5 تے 7 فروری توڑی، طے شدہ دورہ تیں پہلاں جموں کشمیر بھر مانہ حفاظت گا سخت انتظام کردتا گیا ہیں۔ حُکام نے دسیو کہ دورا نانہ پُر امن تے بہتر طریقہ تیں انجام دین واسطے حساس علاقاں

مانہہ اضافی حفاظتی دستاں غی تعیناتی کی گئی ہیں۔تے نگرانی مانہہ وی  
اضافو کیو گیو ہے۔ افسراں غے مطابق، خطہ مانہہ امن۔وامان برقرار رکھن  
واسطے تمام ضروری اقدامات کیا جارہیا ہیں۔دورہ غے دوران مرکزی وزیر داخلہ  
، حفاظتی صورتحال گو تفصیلی جائیزو لیں گا تے سیاسی رہنماواں تیں ملاقات  
کریں گا۔تے مختلف ترقیاتی منصوباں غو وی افتتاح کریں گا۔ مرکزی وزیر داخلہ  
غا دورا غا حوالہ تیں گل کرتا واں ایم۔ایل۔اے وکرم رندھا وا نے اس طرح  
کہیو۔۔۔۔

\*\*\*\*\*

#### SATISH UNITED JK

کابینہ وزیر ستیش شرما نے اج متحد جموں کشمیر غی اہمیت و ر زور دیتا واں  
کہیو کہ خطہ غی یکجہتی واسطے ہزاراں لوکاں نے اپنی جاناں غی قربانی  
دتی ہے۔اُنہاں نے یاہ گل اسمبلی تیں بار میڈیا سنگ گل کرتا واں، قائد حزب  
اختلاف غے بیان غا تناظر مانہہ کئی۔اس موقع و وزیر نے جموں واسطے الگ  
ریاست غا مسلسل مطالبات و وی گل کی، تے کہیو کہ حکومت جموں کشمیر  
غی علاقائی سالمیت برقرار رکھن واسطے پُر عزم ہے۔ اُنہاں نے مزید اس طرح  
کہیو۔۔۔۔

\*\*\*\*\*

#### WALKATHON CANCER DAY

سرکاری طبی کالج کٹھوعہ نے اج کینسر غا عالمی تہاڑا گا موقع و رایک پیدل  
مارچ غو اہتمام کیو جس گو مقصد کینسر تیں بچاؤ کینسر گی بیماری گو  
جلدی پتو لانو تے مریضاں گی دیکھ بھال بارے بیددای پھیلانو تھو اس پیدل  
مارچ غو آغاز سرکاری طبی کالج کٹھوعہ تیں شروع ہو غے ڈریم لینڈ پارک،  
کپٹن سونیل چودھری چوک، شہدی چوک تے سرکاری ڈگری کالج کٹھوعہ تیں  
ہوتو وو گزریو اس پیدل مارچ مانہہ ڈاکٹراں، میڈیکل غا طلباء تے عوان غا ارکان  
نے بڑھ چڑھ غے حصو لیو عہدے داراں گی طرفوں دسیو گیو جے سرکاری  
طبی کالج کٹھوعہ مانہہ کٹھوعہ ضلع گا بکھ بکھ علاقاں تیں ہر سال 200تیں  
متہ کینسر غا کیس درج کیا جیں جس گا نتیجہ مانہہ بیداری تے بروقت علاج

غی ضرورت ہے اس بارے آکاشوانی خبراں آلا شعبہ نال گل کرتا واں ایک  
ڈاکٹر نے اس طرح کہیو۔

\*\*\*\*\*

#### WEATHER UPDATE

محکمہ موسمیات غے مطابق جموں کشمیر مانہہ آئیندہ ایک ہفتہ توڑی موسم  
زیادہ تر خشک رہن گا امکان ہیں۔4 فروری تیں موسم عام طور ور صاف رے  
غو۔6 فروری کی رات نانہہ اُچا علاقاں مانہہ ہلکی برف باری ہوسکے۔7تے8  
فروری نانہہ موسم خشک رہن گا امکان ہیں۔9تے10 فروری نانہہ گُجھ مقامات  
ور ہلکی بارش تے برف باری ہوسکے۔11تے12 فروری نانہہ موسم دوبارہ تیں  
صاف نالے خشک ہو جے غو۔

\*\*\*\*\*

#### ARTO

مسافراں غی حفاظت نانہہ بدھان بارے ایک اہم قدم مانہہ جلع ریاسی مانہہ  
حُکام نے تمام پبلک تے کمرشل گڈیاں مانہہ سامنے آلا ڈیش کیمران نانہہ لازمی  
قرار دتو ہے اسٹینٹ ریجنل ٹرانسپورٹ آفیسر ناصر احمد خان نے کہیو جے  
اس قدم غو مقصد سڑک گا نظم۔و۔ضبط نانہہ تیز بنانو، واقعات گی موثر  
طریقے سنگ نگرانی کرنو تے موثر ویکل ایکٹ 1988 غی سخت نفاذ نانہہ  
یقینی بنانو ہے اس فیصلہ گو مسافراں نے بڑا پیمانہ ور خیرمقدم کیو ہے اس  
سلسلہ مانہہ حُکام غو کہنو ہے جے اس کیمرہ غے ذریعے ٹریفک غی خلاف  
ورزیاں ور کاروائی کرن مانہہ مدد لبے غی اس بارے ریاسی ضلع غا آرٹی او  
ناصر احمد خان نے اس طرح کہیو۔

\*\*\*\*\*

NEWS READ BY NUSRAT

NEWS READ BY GHULAM SARVAR

NEWS EDITOR ABHILASHA SHARMA

SKILLED RAJAT

TECH ASST QUDRAT

DEO NUSRAT